

La Quotidiana 22-5-2015, p. 22

## 17.25 CUNTRASTS SIN SRF 1

---

**Peter Haas**

Cartoonist e dissegner, 1933-2015

*«Il salep e la furmicla,  
què è stau absolut miu highlight!»*



Sche Peter Haas discurriva da ses emprim film da dissegns animads pli lung, lura fascheva el quai cun luschezza. Ed el fascheva quai cun duvrar plets sco «mes highlight» u «mia meglra lavur». Manegià è natiralmain il film «Il salep e la furmicla», preschentà il 1979 cun grond success en il Kino Rex a Cuir. Quest film da dissegns animads cun la musica da Gion Antoni Derungs è segiramain si'ovra che resta il meglier en regardanza tar la Rumantschia. Peter Haas era dentant in artist bler pli multifar. Sco cartoonist ha el realisà comics sco «L'istorgia dals Rumantschs» u «Herby e Fred», sco graficher ha el fatg strada en tut la Svizra cun ses chalender «Sampli» per rimnar rument. Il dissegner e cartoonist gieva malgrà sia malsogna Parkinson fin a sia mort ils 15 da schaner 2015 anc quasi mintga di a lavurar en ses atelier. Ruedi Bruderer ha realisà il film «Peter Haas, cartoonist e graficher, 1933-2015» sco omagi a l'artist da Domat.